



Pou Piblikasyon Imedya: 29/09/2023

GOUVÈNÈ KATHY HOCHUL

GOUVÈNÈ HOCHUL ANONSE 165 MILYON DOLA NAN FON DISPONIB POU PWOJÈ TRANSFÒMASYON ANVIWÒNMANTAL DIRAB NAN ETA NEW YORK

Finansman sipòte Objektif Lwa sou Lidèchip Klimatik ak Pwoteksyon Kominotè New York la k ap mennen nan nasyon an epi li mete aksan sou aktivite ki reponn ak bezwen mobilite ak kapasite tout itilizatè yo

Finansman yo pral sipòte efò minisipalite yo pou reponn ak kondisyon yo ki nan lwa sou lè pwòp lan ak lwa sou ameriken ki gen andikap yo

Gouvènè Kathy Hochul te anonsé jodi a ke gen 165 milyon dola nan nouvo finansman an ki disponib pou sipòte envestisman kominotè ki mete sou pye pou ranfòse aspè kiltirèl, estetik ak anviwònmantal sistèm transpò lokal ak reyjonal yo, tout pandan y ap favorise sekirite ak mobilite. Finansman an disponib pou pwojè ki kreye nouvo enstalasyon epi ranfòse enstalasyon pou bisiklèt ak pyeton ki te la deja yo, amelyore aksè ak transpò an komèn, kreye wout ki san danje pou moun ale lekòl, amenaje koulwa fewovyè ki abandone yo an santye pou pyeton, epi ede nan redui konjesyon ak emisyon gaz efè sè yo nan sektè transpò a. Anplis de sa, minisipalite yo ka itilize fon sa yo pou sipòte aktivite ki satisfè egzijans Lwa sou Lè Pwòp (Clean Air Act) lan ak Lwa sou Ameriken ki gen Andikap (Americans with Disabilities Act, ADA) la.

"Pandan n ap kontinye wè rezulta destriktif nan chanjman klimatik lokalman, nasyonalman ak atravè mond lan, li enperatif pou nou kontinye fè envestisman nan altènativ transpò pwòp, ki bon pou anviwònman an", **Gouvènè Hochul te deklare.** "Pwojè kominotè sa yo reyafime angajman nasyonal New York la anvè anviwònman pandan l ap facilite devlòpman ekonomik lokal epi amelyore sante piblik la"

Fon sa yo disponib pou eta a atravè Administrasyon Otowout Federal (Federal Highway Administration, FHWA) epi Depatman Transpòtasyon Eta New York (New York State Department of Transportation, NYSDOT) la ap jere yo, men se Pwogram Transpò Altènantif (Transportation Alternatives Program, TAP) ak Pwogram pou Amelyorasyon Kalite Lè ak Soulajman Blokis (Congestion Mitigation and Air Quality Improvement Program, CMAQ), ak Pwogram Reduksyon Kabòn (Carbon Reduction Program, CRP) ki te bay li.

Komisè Depatman Transpò Eta New York la, Marie Therese Dominguez, te deklare, "Gouvènè Hochul kontinye avanse politik transpò entèlijan ki bay tout Nouyòkè opòtinite ki an sekirite epi ki respekte anviwònman pou travay, Lwazi ak konektivite sosyal yo. Envestisman kominotè esansyèl sa yo pral gen enpak pozitif pou rejyon yo toupatou nan New York, sa k ap amelyore sekirite jeneral ak kalite lavi pou rezidan yo ak vizitè yo, pandan y ap kontinye batay kont chanjman klimatik mondal la."

Lidè Majorite Sena a Ameriken an, Charles Schumer, te deklare, "Envestisman transpò pwòp tankou sa yo enpòtan anpil pou asire sante ak byennèt tout Nouyòkè yo. Pwojè transfòmasyon sa yo pral ede non sèlman amelyore sante publik ak diminye polisyon nan anviwònman an, men tou, yo pral bay amelyorasyon ki nesesè anpil nan chemen pou bisiklèt yo, santye pyeton yo, koridò tren yo, ak anpil lòt bagay ankò – sa k ap diminye konjesyon ak emisyon gaz ki lakòz efè sè yo atravè eta a. Mwen felisite Gouvènè Hochul pou lidèchip vizyonè klimatik li, epi mwen fyè pou m ede bay finansman sa a pou ede avanse transpò pwòp nan chak kwen Eta New York."

Senatè Eta Tim Kennedy te deklare, "Lè nou envesti nan konsèp lari konplè, nou pa sèlman envesti nan dirabilite enfrastrikti nou an, men nou ap prioyize aktivman sekirite tout itilizatè wout yo. Finansman sa a, ansam ak aplikasyon refòm politik reflechi, ki gen bon sans, ap ankouraje yon vizyon pou yon New York enklizif, ki konsantre sou moun."

Antite sa yo elijib pou finansman:

- Gouvènman Lokal (Konte, Vil, Vil, ak Vilaj)
- Otorite Transpò Rejyonal yo
- Ajans Transpò yo
- Resous Natirèl oswa Ajans Tèren Piblik (Depatman Konsèvasyon Anviwònmantal, Pak Eta New York, Lwazi ak Konsèvasyon Istorik Eta New York yo, ajans pwason ak jwèt oswa bêt sovaj lokal yo)
- Gouvènman Tribi yo
- Transpò Gouvènmantal Lokal oswa Rejyonal oswa Antite Santye Lwazi yo
- Depatman Transpò Eta New York (pou CMAQ sèlman)

Sèlman an patenarya ak antite ki nan lis pi wo a:

- Òganizasyon Planifikasyon Metropoliten (sèvi yon zòn ibanize ak popilasyon 200,000 oswa mwens)
- Distri Lekòl yo
- Òganizasyon Non-Gouvènmantal yo

Yo pral chwazi pwojè yo atravè yon pwoesisis apèl dòf ki konpetitif epi y ap mete yo nan yon klasman ki baze sou kritè etabli ki gen ladan benefis pwojè a ap pote pou popilasyon an, amelyorasyon I ap fè nan kalite lè a, rantabilite ak patenarya. Pwojè a yo dwe gen rapò ak sistèm transpò sou tè a yo epi tout popilasyon an dwe gen aksè total. Prim pwojè TAP-CMAQ-CRP yo pral totalize pa mwens pase 500,000 dola epi pa plis pase 5 milyon pou nenpòt pwojè. NYSDOT pral bay jiska 80 pouzan nan depans total elijib pwojè yo ak yon fon kontrepatti minimòm 20 pouzan ke esponnsò pwojè yo pral

founi. Depans pwojè elijib yo ka gen ladan planifikasyon, sèvis konsepsyon/enjenyeri, akizisyon dwa pasaj, konstriksyon, ak enspeksyon konstriksyon.

TAP finanse yon varyete pwojè ki gen rapò ak transpò ki ogmante opsyon pou transpò ki pa veyikil, tankou:

- Planifikasyon, konsepsyon, ak konstriksyon pwojè ki gen rapò ak enfrastrikti pou amelyore sekirite moun ki pa chofè yo ak aksè ak transpò publik ak amelyore mobilite.
- Konstwiksyon egijaj, bélvedè, ak zòn obsèvason.
- Wout ki an sekirite pou ale lekòl (pèmèt ak ankouraje timoun yo mache oswa monte bisiklèt pou ale lekòl).
- Planifikasyon, konsepsyon, ak konstriksyon enstalasyon sou wout ak andeyò wout pou pyeton, siklis, ak itilizatè transpò ki pa motorize yo.
- Konvèson ak itilizasyon koridò wout ray abandone yo pou santye pou pyeton, siklis, ak itilizatè transpò ki pa motorize yo.
- Planifikasyon, konsepsyon, ak konstriksyon boulva ak lòt wout yo sitou nan dwa pasaj ansyen otowout divize yo.
- Aktivite amelyorasyon kominotè (envantè, kontwòl, oswa retire piblisite deyò, prezève enstalasyon transpò istorik, pratik jesyon vejetasyon, ak aktivite akeyolojik yo).
- Aktivite diminsyon anviwònmantal yo.

CMAQ finanse pwojè ki gen rapò ak transpò ki diminye emisyon machin oswa anboutejaj sikilasyon nan zòn ki deziyen yo ki pa satisfè, oswa ki pa t atenn, Estanda Kalite Lè Anbyen Nasional (National Ambient Air Quality Standards) la. Pou demann sa a CRP finanse pwojè ki sipòte rediksyon emisyon transpò nan ti zòn iben ak zòn riral yo. Sa yo enkli, men se pa sa sèlman:

- Amelyorasyon enstalasyon pou pyeton ak bisiklèt yo.
- Jesyon/planifikasyon demann vwayaj pou pwogram vwayaj pataje yo.
- Rediksyon anboutejaj ak amelyorasyon sikilasyon an.
- Amelyorasyon transpò publik, enkli sipò operasyon limite pou novo sèvis yo.
- Amelyorasyon operasyonèl intèmodal kagezon yo.
- Developman enfrastrikti konbistib altènativ.
- Ranplase ekleraj lari ak aparèy kontwòl sikilasyon yo ak altènativ ki efikas an enèji (CRP sèlman).

Depatman Transpò Eta New York la pral aksepte aplikasyon pou opòtinite finansman sa yo jiska janvye 9 2024. Aplikasyon an, direktif pwogram nan ak orè atelye yo disponib nan <https://www.dot.ny.gov/divisions/operating/opdm/local-programs-bureau/tap-cmaq>.

Plan Klimatik Nasional Eta New York

Ajanda Gouvènè Hochul la k ap mennen nan nasyon an se inisyativ sou klima ak enèji pwòp ki pi agresif nan nasyon an, ki mande yon tranzisyon òdone epi ki jis nan enèji pwòp ki kreye djòb epi ki kontinye ankouraje yon ekonomi vèt. Enskri nan lwa atravè Lwa sou Lidèchip Klimatik ak Pwoteksyon Kominotè (Climate Leadership and

Community Protection Act, CLCPA) a, New York sou yon chemen pou reyalize objektif mandate li a nan yon sektè elektrisite zewo-emisyon rive 2040, ki gen ladan 70 pousan jenerasyon enèji renouvlab rive 2030, ak pou atenn netralite kabòn nan tout ekonomi an. Li bati sou ogmantasyon enèji pwòp san parèy New York ak kreyasyon plis pase 150,000 djòb nan sektè enèji pwòp New York la. New York ap bati sou pwogrè sa a epi redui emisyon gaz efè sè yo nan 85 pousan pa rapò ak nivo li te ye an 1990 disi rive 2050, pandan y ap satisfè yon objektif pou bay 40 pousan nan avantaj ki genyen nan envestisman nan enèji pwòp pou kominate defavorize yo epi avanse pwogrè nan direksyon sib efikasite enèji eta a nan 2025 pou diminye konsomasyon enèji sou plas pa 185 trilyon BTU (British thermal units) nan ekonomi itilizasyon final yo. [Plan Kadraj](#) CLCPA sèvi kòm fondasyon pou fason New York pral redwi emisyon gaz a efè sè nan tout sektè, enkli sektè transpò a, ogmante itilizasyon enèji renouvlab, epi asire tout kominate yo benefisyé tranzisyon enèji pwòp la yon fason ekitab.

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)